



REPUBLIKA E KOSOVËS - REPUBLIKA KOSOVA  
REPUBLIC OF KOSOVO



KOMUNA OBILIQ - OPŠTINA OBILIĆ - MUNICIPALITY OBILIC

Nr. Br. No. 01-1355/02 1441/24

Nr. i fq. / Br.str. / No.pg. \_\_\_\_\_

Data / Datum / Date 15.01.2024

OBILIQ - OBILIĆ - OBILIC  
**REPUBLIKA E KOSOVËS**

REPUBLIKA KOSOVA - REPUBLIC OF KOSOVO

**KOMUNA E OBILIQIT**

OPŠTINA OBILIĆ - MUNICIPALITY OF OBILIC



**KUVENDI KOMUNAL OBILIQ**  
Skupština Opštine Obilić - Municipality Assembly Obiliq

Raport i Punës (Janar- Dhjetor) 2023



## Kuvendi i Komunës

Kuvendi i Komunës është organi më i lartë në Komunë.

Përgjegjësitë dhe kompetencat e Komunës duhet të ushtrohen nga Kuvendi i Komunës dhe Kryetari i Komunës përveç nëse parashihen ndryshe me Ligjin për Vetëqeverisjen Lokale, ligjet tjera dhe Statutin e Komunës.

Kuvendi zgjidhet drejtpërdrejtë në pajtim me dispozitat e Ligjit për zgjedhjet lokale. Kuvendi i Komunës së Obiliqit i ka 21 anëtarë. Të gjithë anëtarët e Kuvendit kanë të drejta të njëjta në proceset e Kuvendit.

## Komitetet e Kuvendit të Komunës

Kuvendi i Komunës së Obiliqi ka Komitetet obligative siç janë:

- Komiteti Për Politikë dhe Financa
- Komiteti për Komunitete

### **Komiteti Për Politikë dhe Financa**

Komiteti për Politikë dhe Financa është organi kryesor i Kuvendit të Komunës, i cili shqyrton paraprakisht të gjitha çështjet që parashihen të shqyrtohen në Kuvendin e Komunës. Komiteti për Politikë dhe Financa është përgjegjës për shqyrtimin:

- Të gjitha politikat
- Dokumentet fiskale dhe financiare
- Planet dhe iniciativat, duke përfshirë dokumentet e planifikimit strategjik.
- Kornizën vjetore buxhetore afatmesme
- Planin vjetor të prokurimit
- Regullorën vjetore për tatimet, tarifat dhe pagesat
- Planin vjetor të punës për auditimin e mbrendshëm
- Planin buxhetor vjetor, afatmesëm dhe çdo ndryshim të buxhetit gjatë vitit fiskal,
- Marrja e raporteve nga Kryetari dhe dorëzimin e rekomandimeve në Kuvendin Komunal.

Komiteti për Politikë dhe Financa si komitet i përhershëm, gjatë kësaj periudhe raportuese ka vepruar në mënyrë të rregullt dhe përbërje të plotë sipas përgjegjësive të dhëna me Ligjin e Vetëqeverisjes Lokale Nr.03/L-040.

Ka mbajtur gjithsej 12 (dymbëdhjetë) mbledhje gjatë periudhës Janar-Dhjetor të vitit 2023 dhe të gjitha mbledhjet kanë qenë të hapura për publikun. Ky komitet ka përmbushur obligimin e tij ligjor duke trajtuar të gjitha dokumentet e rëndësishme, shqyrtimin e propozim-akteve dhe ofrimin e rekomandimeve për të gjitha çështjet që i ka pasur në rend të ditës dhe jo vetëm.

## **Komiteti për Komunitete**

Komiteti për Komunitete është komiteti i detyrë obligativ i cili themelohet nga Kuvendi i Komunës dhe në përbërjen e tij mund të përfshihen edhe përfaqësues të komuniteteve që nuk përfaqësohen në Kuvend por janë banorë të komunës, pra çdo komunitet që jeton në komunë përfaqësohet nga më së paku një përfaqësues në Komitet për Komunitete.  
Ky komitet ka mbajtur 12 mbledhje gjatë vitit 2023.

Komiteti për Komunitete ka për detyrë që në kuadër të Komunës të sigurojë se: Asnjë person i cili merr përsipër detyra publike ose mban post publik, nuk guxon të bëjë diskriminimin ndaj asnjë personi mbi kurfar baze, për shkak të përkatësisë etnike, gjuhës ose lidhjes me komunitetin. Të gjithë qytetarët gëzojnë, në mënyrë të barabartë, të drejtat civile, politike, ekonomike, shoqërore, kulturore, fetare dhe gjuhësore si dhe për të siguruar mbrojtje adekuate të të drejtave të komuniteteve mbrenda komunës.

## **Mbledhjet e Kuvendit të Komunës**

Ligji për Vetëqeverisjen Lokale ka përcaktuar rregullat e mbajtjes së takimeve të Kuvendit të Komunës. Duke marrë parasysh se Ligji parasheh mbajtjen e së paku 10 (dhjetë) mbledhjeve në vit, 5 (pesë) prej të cilave duhet të mbahen në 6 (gjashtë) mujorin e parë të vitit, Kuvendi i Komunës së Obiliqit ka përmbushur obligimin ligjor duke mbajtur:

- **12 (dymbëdhjetë)** mbledhje të rregullta (të gjitha mbledhjet kanë qenë të hapura për publikun).
- **3 (tri) mbledhje të jashtëzakonshme:**
  - 02.02.2023. Shqyrtimi i kërkesës së anëtarëve të Kuvendit Komunal me numër protokoli I-2548
  - 02.06.2023. Miratimi I Projekt-“Planit Zhvillimor Komunal të Obiliqit 2023-2031”.
  - 04.08.2023. Shqyrtimi I kërkesës lidhur me shpronësimin e pronave të pronarëve fizik (banorëve nga fshati Siboc, konkretisht nga lagjet Mexhuani dhe Kongjeli).
- **2 (dy) mbledhje solemne:**
  - 06.03.2023 me rastin e shënimit të viti jubilar, të Komandatit Legjendar Adem Jashari dhe Epopesë së UÇK-së.
  - 14.06.2023 për nder të 14 Qershorit Ditës së Çlirimit të Komunës së Obiliqit.

Kuvendi i Komunës për periudhën Janar-Dhjetor 2023 ka aprovuar 66 Vendime.

Prej tyre 4 Vendime janë kthyer për shfuqizim nga organi mbikqyrës.

## Rregullorët, Planet dhe Programet e aprovuara nga Kuvendi i Komunës për periudhën Janar- Dhjetor 2023:

1. Plani për Menaxhimin Mbeturinave Komunale 2023-2028
2. Plani për Ri-integrim të Qëndrueshëm të Personave të Riatdhesuar dhe Integrimin e të huajve në komunën e Obiliqit 2023- 2025”
3. Plani i Veprimit për Transparencë 2023-2027
4. Plani Lokal i Veprimit për Cilësi të Ajrit
5. Plani i Punës së Kuvendit Komunal Obiliq për vitin 2024
6. Strategjia për Zhvillim Socio-Ekonomik Lokal 2023-2027
7. Plani Lokal I Veprimit për Barazi Gjinore për vitin 2024-2026.

Bazuar në Planin e Punës së Kuvendit komunal, u realizua një takim pune jashtë vendit lidhur me këto tema;

1. Korniza Afatmesme Buxhetore 2024-2026
2. Draft Plani I Veprimit për Transparencë 2023-2027
3. Draft Plani Lokal I Veprimit për Cilësi të Ajrit.
4. Strategjia për Zhvillim Socio-Ekonomik Lokal.

Më datë 15.09.2023 - Kryesuesja e Kuvendit ka mbajtur dëgjim publik për: Planifikimin e Buxhetit për vitin 2024-2026

Më datë 22.09.2023 - Kryesuesja e Kuvendit komunal së bashku me Kryetarin e Komunës kanë mbajtur diskutim publik për dëgjimin buxhetor komunal për vitin 2024 dhe parashikimet për vitet 2025-2026 me Kryetarët e Këshillave Lokal.

Ministria e Pushtetit Lokal është autoriteti mbikqyrës i komunave për vlerësimin e ligjshmërisë së akteve. Gjatë periudhës janar-dhjetor 2023 të gjitha aktet apo vendimet që janë aprovuar në Kuvendin e Komunës janë dërguar për shqyrtim të ligjshmërisë te organi mbikqyrës mbrenda afatit ligjor.

Për të ofruar qasjen e publikut në këto të dhëna, aktet e aprovuara në KK, pas vlerësimit të ligjshmërisë, janë publikuar në faqen zyrtare elektronike të Komunës.

Mbledhjet e KK gjatë kësaj periudhe janë monitoruar në vazhdimsi nga MAPL, OSBE-ja, KFOR-i, OJQ-të dhe mediat. Mbledhjet po ashtu janë transmetuar online.

Vlora Mjekiçi Kabashi  
Kryesuesja e Kuvendit komunal

